



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Svscriptiones Episcoporvm.

urn:nbn:de:hbz:466:1-15324

ANNO
CHRISTI
567.

pro reatu aliquo quemquam a communionem sus-
penderit, apud omnes sacerdotes eatenus a com-
munionem habeatur alienus, vsquequo eius iudicio
debeat recipi, a quo meruerat pro reatu suo a ca-
ritate ecclesie sequestrari.

V.

Et quia multa sunt ecclesie membra, quae di-
uerso genere, pro vitae suae qualitate, vel discretio-
ne sacerdotali, aut oblectari conuenit, aut distrin-
gi, illud censuimus statuendum, ut quascumque
munificentias clericis, aut seruientibus, siue de re-
bus ecclesie in usum, aut de propriis in proprie-
tatem, praecedentes dederint sacerdotes, subse-
quentes pontifices nullatenus auferre praesumant.
Si quid tamen culpa extiterit, pro qualitate per-
sonarum, vel regula Canonum praecedentium,
in persona habeatur, non in facultate districtio.

VI.

Placuit etiam vniuersis fratribus, ut in prima
hebdomada noni mensis, hoc est, ante diem do-
minicam, quae prima in ipso mense illuxerit, lita-
niae, sicut ante ascensionem Domini sancti patres
fieri decreuerunt, deinceps ab omnibus ecclesiis,
seu parochiis celebrentur.

SVBSCRIPTIONES EPISCOPORVM.

Philippus in Christi nomine episcopus ecclesie Viennensis, consti-
tutionibus nostris subscripsi.

Nicetius in Christi nomine episcopus ecclesie Lugdunensis, consti-
tutionibus nostris subscripsi.

Agricola in Christi nomine episcopus ecclesie Cabilonensis, consti-
tutionibus nostris subscripsi.

Vincentius in Christi nomine episcopus ecclesie Belicensis, con-
stitutionibus nostris subscripsi.

Concil. Tom. 12.

Eccc ij

Syagrius in Christi nomine episcopus ecclesie Æduorum, constitutionibus nostris subscripsi.

ANNO
CHRISTI
567.

Æoladius in Christi nomine episcopus ecclesie Neuernensis, subscripsi.

Salonius in Christi nomine episcopus ecclesie Genauensis, subscripsi.

Chelidonius in Christi nomine episcopus ecclesie Matiscensis, subscripsi.

Valesius presbyter directus a domino meo Syagrio episcopo ecclesie Gratianopolitanæ, subscripsi.

Vincentius presbyter directus a domino meo Lucretio episcopo ecclesie Deensis, subscripsi.

Eusebius presbyter directus a domino meo Victore episcopo ecclesie Tricastinorum, subscripsi.

Piulus presbyter directus a domino meo Tetrico episcopo ecclesie Lingonicæ, subscripsi.

Cæsarius presbyter directus a domino meo Tetradio episcopo ecclesie Velonensis, subscripsi.

Abstemius diaconus directus a domino meo Maximo episcopo ecclesie Valentianæ, subscripsi.

NOTÆ IACOBI SIRMONDI
SOCIETATIS IESV.

¹ *Indictione XV.*] In vulgatis editionibus apposta est temporis nota, *Anno VI. regni gloriosissimi Guntramni regis, indictione III.* quam notam competere putant anno Christi DLXX. Et vero de indictione certum est eo Christi anno tertiam fuisse. At Guntramni & fratrum eius annus hic erat non sextus, sed nonus. In Synodo enim IV. Parisiensi annus XII. Sigeberti & fratrum eius comparatur cum indictione VI. quæ fuit anno Christi DLXXXIII. Quare nono illorum anno tertia fuit indictio, & sexto eorundem anno, cum habitum dicitur hoc Concilium, indictio fuit non III. sed XV. anno Christi DLXVII. Sic ergo ex coniectura correximus, cum exemplaribus antiquis in hac Synodo careremus.

² *Secundo loco.*] Et Canonem hunc, & alios ex hac Synodo usurparunt collectiones antiquæ, Andegauensis, Diuionensis, &c.

NOTÆ SEVERINI BINII.

¹ *Concilium.*] Ad euitandum scandalum, quod a quibusdam malæ vitæ episcopis ecclesie Lugdunensi illatum fuerat, per se suosque legatos quatuordecim episcopi conuenerunt, statueruntque sex dumtaxat Canones, quibus ecclesiasticæ paci atque indemnitati consulitur. Quænam autem fuerint ista allegata scandala, ex Gregorio Turonensi accipe.

Lugdunum
Galliæ de-
scribitur.

² *Lugdunense.*] Sic dictum a Lugduno, de quo hæc in theatro vrbium. *Lugdunum, vulgo Lyon, ante Christi natiuitatem anno 23.*